

Leitbild der Gemeinde



Röthebach isch e Gmein, wo me gärn läbt.
Mir schaffe Voraussetzige, dass me uf Röthebach
cha cho oder dass me cha dablybe, we me das wott.
Mir wei die bestehende Verdienstmüglechkeite bhalte,
Ungerstützig gäh, we nöii chöi gschaffe wärde.

*Als Massstab für aus, wo mir mache,
näme mir die nachhaltegi Entwicklig.
Nachhaltig isch denn öppis, wes em Mönsch,
er Umwält u em Portmonnee e Vortu bring.*



*Oder chly andersch usdrückt:
Mir handle so, dass mir üsne Ching u Grossching
e gsungi u läbenswärti Gmein chöi übergäh.*



*Mir warte nid geng, bis is öpper vo usse hilft
oder is seit, was mir z'tüe heige.
Mir sy ungenährmigsfluschtig, probiere Ideene
z'verwürkleche, hei Sorg zu Bewährtem,
wage Nöis u leischten is das, wo mir vermöge.*





Bevölkerig , Behörde u Verwaltig schaffe mitenang.
Dr Kontakt wird gägesytig gsuecht, mi weiss vonenang,
welì Aalige dass da sy.
U wes halt einisch häscheret, de sy mir imstang,
das korräkt u ufene mönschlechi Art usztrage.

*A aui Altersgruppe wird däicht.
D'Vorussetzige für ne guete Ungerricht
i Chindergarte u Volksschuel sy ggäh,
di Junge hei ihrer Müglicheite,
di erwärbstätigi Bevölkerig fingt gueti Bedingige
u di eutere Lüt finge, was si bruuche.*





*Mir schaffe dert mit angerne Gmeine zäme,
wo mir üsi Ufgabe besser ire Zämenarbitsform
chöi erfülle.*

*Mir blybe e läbegi Gmein, mit emene Huufe
Müglicheite, näb dr Arbit öppis z'ungernäh.
Mir sy offe u säges o zäntume, wie viu Schöns
u Gfröits by üs vorhande isch.*

Gemeinderat von Röthenbach i. E.



Layout und Cartoons:
© hämpuCartoon
Hanspeter Kunz 3036 Längenbühl